

ստացած Սմբատի եղբայրը, Խաչենի իշխաններից Հասան Զալալ Ռաւլէն, Դոփեան Հասանը՝ ատեանի մէջ այնպէս ընդունելի, ինչպէս Քրիստոսի խաչը բեմի վերայ(*) :

Աւաղ թէ զորն ասեմ ի լալի
Զայն հին ու նորն ի գերեզմանի .
Վայ զմնացորդս սուտ կենդանի
Մակար չէաք ծնեալ յաշխարհի .
Արդ գերեցաք ու խիտ արժանի,
Մեր գերեգարձն չեն ի միջի :
Աւգնեա մեզ ի նեղութեան մերում Աստուած, աղաչեմք :

Մենք արդէն որոշել ենք այս գրութեան ծագման terminus post quem-ը եւ terminus ante quem-ը Պոռչի երկու որդիների մահուան տարիներով՝ Ամիր Հասանի * 1292 թուին և Պապաքի * 1298/9. Ողբի մէջ յիշուած է միայն առաջնի անունը և նա մեռած իշխանների մէջ վերջինն է, որոնց մահը ողբում է հեղինակը՝ Կենդանի իշխաններին, որոնց մէջն է և Պապաքը, չէ յիշում(**) : Բայց կարող ենք աւելի սեղմել և գրեթէ ճշգրտութեամբ որոշել գրութեան տարին. ժամանակի այն նկարագրութիւնը, որ տալիս է հեղինակը համապատասխան է միայն 1294/5 թուականին, Նաւուզի կատարած չարիքներին(***) : Այդ ժամանակին համապատասխան է և «Զհովիւ հաւտին բամբասեցաք» արտայայտութիւնը, որ իրաւամբ Անաւարդեցու հետ կապեցինք : Վերջինս ՉԽԲ թուի առաջին կիսում դեռ եւս եպիսկոպոս է յիշուում(****), իսկ Օրբէլեանը նորա կաթողիկոսութիւնը նոյն թուականին է նշանակում, ասել է, մօտաւորապէս, երկրորդ կիսում : Երկու տարի յետոյ միայն՝ Մոսաղաթի առթիւ՝ արեւելեան Հայաստանում պարզուում է նոր կաթողիկոսի բռնած գայթակղեցուցիչ զիրքը(*****) և

առիթ դառնում Օրբէլեանի ժողովական թղթի գրութեան. մինչ այդ կաթողիկոսի հասցէին եղած խօսակցութիւնը կարող էր ոմանց կողմից «բամբասանք» համարուել, ինչպէս և Սաչատուր Կեչառեցու : Այսպիսով Ողբի ծագումը հաստատուն կերպով կարող ենք 1294/5 թուին նշանակել. ժողովից յետոյ Կեչառեցին եւս համակարծիք է Օրբէլեանին եւ նորա բաւելամն ու հիւրն է ՉԽԲ թուականից առաջ :

Գանձարանների յիշատակարանների մէջ, որպէս հնագոյն գանձասացներ և տաղասացներ Գրիգոր Նարեկացու և Ներսէս Կլայեցու հետ յիշուում են «ար. Մխիթար Այրիվանեցին եւ Սաչատուր Կեչառեցին» : այդպիսի յիշատակարանով Գանձարաններից մեզ յայտնի հնագոյն և լաւագոյն օրինակներից մէկն է 1445 թուին Աղթամարի յայտնի գրիչ Մինասենց Թումայի ձեռքով գրուածը(*) : Այդտեղ խօսք կայ նաև գրչի աւագ ժամանակակից Գրիգոր Աղթեցու մասին (* 1445) որպէս վերջին գանձասացի և Գանձարանի խմբագրողի. մենք առիթ կ'ունենանք հետեւեալ գլխի մէջ պարզելու, թէ յիշուած Աղթեցին օգտուել է իւր խմբագրութեան համար Մխիթար Այրիվանեցու գանձերի ժողովածուից դեռ եւս 1387 թուին : Անհաւանական չէ, ուրեմն, որ Մինասենց Թումայի իւր մատենագրական տեղեկութիւնները Գանձերի հեղինակների մասին քաղած լինի Աղթեցուց, եթէ հէնց ինքը չէ հանել գանձերի վերնագրիներից կամ աների սկզբնատառերից, «Սաչատուր» կամ «Սաչատուր Վարդապետ» սկզբնատառերով Գանձերը յատկացնելով Կեչառեցուն : Կը գծուարանայինք առանց յատուկ և մանրամասն ուսումնասիրութեան որդեգրել յիշատակարանի և ցանկերի տեղեկութիւնը իւր ամբողջական բովանդակութեամբ, թէև անկասկած է, որ այդ Գանձերից շատերը Կեչառեցունն են, Acrostic-ից զատ՝ նրանց կազմութեան արտաքին նշաններից ու ներքին յոյգերի և արտայայտութեան ձևերից դատելով. իսկ ոմանք էլ այլ և այլ ձեռագիրներում անկախ միմեանցից վերագրուած Կեչառեցուն (Յաւել, Գ. 5) :

Բայց բարեբաղդաբար ունինք ուրիշ աւելի հիմնաւոր պատճառներ եւս տնագրութիւնների «Սաչատուր» սկզբնատառերով գանձերը կապելու Կեչառեցու անուան հետ : Երեւանի թանգարանի № 37/383 ձեռագիրը բաղկացած է երկու մասից. առաջինը Գանձարան է մինչև 120բ, իսկ երկրորդը ձառնարի՝ 121ա-398բ : Երկու մասերը գրուած են տարբեր գրիչների կողմից. Գանձարանի գրիչն է Մարկոս կրօնաւոր (15ա), որ գրում է իսկապէս մինչև 109բ, իսկ 110բ-120բ վերջին թերթերը 118բ սկսած ամբողջ ձառնարի հետ գրել է եւ կազմել Գրիգոր քահանան Երզնկայում, ՊԺԵ (= 1366) թուին՝ Ներսէս քահանայի ստացմամբ. յիշատակարանի մէջ խնդրում է «այլ և յիշել զգանձերուն գրողն զՄարկոս կուսակրան քհ» : Պարզ է,

(*) Այստեղ յիշուած իշխաններից Սաղուսի եւ Սմբատ Օրբէլեանի մասին տես մեր «Զագովանից ժողովը», Շողակաթ, եր. 26/27 : Ղութլու Բուզայի մասին X. B. T. I. b. III. 252 : Հասան Զալալի մասին Գանձ. տես ցանկը Դոփեան Հասանը նոյնանուն երկրորդն է նոյն տոհմից, Դոփի և Հասան Ա.ի թոռը, Գրիգոր Ա.ի որդին. նորա կինն է Մամբան՝ դուստր Վաչուտեան Քրդի և Խորիշահ Մամիկոնեանի, իսկ օրանց որդին Գրիգոր Բ., ամուսին Տարսայիճ Օրբէլեանի և Մինա Խաթունի դստեր Ասիայի : Հասան Բ. կենդանի էր դեռ ևս 1274 թ. (Արցախ, 405), իսկ 1289 թուին, երբ նորա որդին խաչարձան կանգնեց հօր յիշատակութեամբ հաւանական է կենդանի լինէր : Այդ դէպքում Դոփեան Հասան Բ.ի մահը պէտք է նշանակել 1289-1294 թ. : Ողբի մի փոքրիկ հատուածը հրատարակել է Ալիշան, Այր. 268. ամբողջը տ. Արարատ 1896, 278 : Տես և Յաւել, Գ. 1, ձեռագիրների համեմատութեամբ.

(**) Խաղբակեանք, էջմ. 105 :

(***) Օրբէլեան, 472/3 :

(****) Լալայեան, Ցուց. Վասպուրականի, եր. 114 :

(*****) Օրբէլեան, 446 և շար. :

(*) Այժմ էջմ. № 831 նժ. :